



L'antierur cusseglier guvernativ Klaus Huber e l'antierura cussegliera guvernativa Barbara Janom Steiner.



Cusseglier naziunal e pur Duri Campell (san.) cun cusseglier guvernativ Jon Domenic Parolini.

FOTOS G. N. STGIER



Beno Niggli, il president da la pbd grischuna, Brigitte M. Gadient, l'antierura cussegliera naziunala, e Gian Michael, il schef da fracciun da la pbd (da san.).



Er stads a la festa èn Hansjörg Trachsel, l'antierur cusseglier guvernativ (san.) e Gieri Lüzi, l'antierur president dal cussegli grond.



Qua Hansjörg Hassler, l'antierur cusseglier naziunal (san.) e Hansjörg Gredig.



Adolf Collenberg, el ha tegnì il referat da festa.



Trais dunnas da la pbd. (da san.) Eveline Widmer-Schlumpf, Edith Gugelmann-Battaglia e Susanne von Rechenberg.

«Strusch stads ventiraivels cun la pps»

Landquart: 100 onns democrats grischuns

DA GION NUTGENN STGIER/ANR

■ En lur istoria da 100 ons han ils democrats da noss chantun fatg trais epochas istoricas. Dals liberals tar ils democrats, vinavant tar la pps e lura tar la pbd. La politica dovrà er oz il patrategie democratic, ha ditg Eveline Widmer-Schlumpf, l'antierura cussegliera federala. Tut auter che tradizional cun imni svizzer e bandieras, mabain cun musica da rock e pop ha la Partida burgais-democratica grischuna (pbd) festivà il giubileum da 100 onns dapi la fundaziun da la Partida democratica. In grond dumber commembres e commembra da la pbd ha fatg venderdi saira il viadi a Landquart per assistere a l'occurrencezza giubilara.

Ina partida dal center
Beno Niggli, il president da la pbd chantunala ha ditg en ses pled da bainvegni che la pbd saja cleramain ina partida dal center. Ella saja ina ferma pitga tranter l'ala dretga e l'ala sanestra. Noss pajais dovrà urgentamain ina partida che feftchia politica reala, che saja seriusa, credibla e manaivla al pievel. Tuts quels aspects dastga el attribuir a la pbd, ha punctuà Niggli. Il chapital da la pbd sa-

ja cler, la basa da la partida, ditg pli concret, ils commembres fidaivlas e las commembra fidaivlas. La pbd haja er betg da basegn da sa far sentir cun in'acziun cun in mail che daventa marsch pervia dals verms d'autras partidas. Niggli ha ditg che quella acziun da la pps cunter las autres partidas saja ina vaira impertinenza. Cun ina partida che haja fatg quai, sco la pps da preschent, veglia la pbd da far naugt e seguir betg ina collazion da glistas.

Per ina politica burgaisa e liberala
Er suenter ch'ils democrats grischuns sajan daventads il 1971 commembres da la pps, saja il clima tranter ils democrats grischuns e quels da Turitg e Berna savens stà differenzia, ha menziuna Widmer-Schlumpf, ella ch'è stada otg onns commembra dal cussegli federal. Er en l'avegnir vegnia la pbd a cumbatter per mantegnair en la politica il pensar democratic. Per far politica dastga na mancar il respect, la raschun, il curasch e la prudentscha. La pbd s'engascha cunzunt er per ina politica burgaisa e liberala, ha ditg la dunna da Favugn. Bunas cundiziuns da basa, ina politica d'energia reala, in engaschament per l'energia hidraulica, per ina segirezza da las organisaziuns sozialas e per ina via bilaterala cun l'Europa, per

tut quels aspects stettia la pbd garant, ha menziunà l'antierura cussegliera federala.

Cleramain la pbd

Oratur da la festa da giubileum 100 onns democrats grischuns è stà l'istoricher Adolf Collenberg. Cun in referat interessant, infurmativ ed en fitg bun lungatg ha il Sursilvan dà in sguard en l'istoria da 100 onns dals democrats da noss chantun. Il 1919 saja vegnida fundada la Partida democratica, e quai cun sa distanztgar ils democrats dals liberals. Cun vegnir o da la «BGB» (Bauern-, Gewerbe- und Bürgerpartei) il 1971 la pps saja cunzunt cumenzà l'era «Schlumpf» e «Gadient» tar la pps grischuna. Leon Schlumpf ed Ulrich Gadient defuncts, omadus hajan mess accents sin champ chantunal e federal cun lur politica, ha ditg Collenberg. El ha er ditg ch'ils democrats grischuns sajan però strusch stads propri ventiraivels en la retscha da la pps. Quai che saja lura succedi il 2007 saja enconuschen a mintgin, la separaziun da la pps grischuna da la pps svizra e la fundaziun da la pbd. Quella partida, la pbd saja gist quella che tgiria il pli fitg il pensar democratic, ha menziunà l'istoricher sursilvan.

